

INUIT ATAQATIGIIT INATSISARTUNI



UKA2022/112

Ulloq saqqummiivik: 05.10.2022

Illit atit: Mikivsuk Thomassen

Uunga: Siunnersuut: Inatsisartut inatsisaat siusinaartumik pensionisiaqartitsisarneq pillugu Inatsisartut inatsisaata allangortinneqarnera pillugu.

(Isumaginninnermut, Suliffeqarnermut Nunamullu Namminermit Naalakkersuisoq)

Siullertut qujarusuppunga saqqummiisunut,

Siusinaartumik pensionisialli atugarisaasa pitsaasunissannut sulinissaq aallartsereernikuuvoq tamannalu pitsaasutut isigaarput

Inuit Ataqatigiit siusinaartumik pisartagalinnut tunngaviusumik pisartagaasa, siusinaartumik akunnattumillu pisartagaqartup aningaasatigut pitsaasumik tigummiaqarsinnaalernissaa pitsanngoriaatitut isigaarput.

Inuit ataqatigiit isumaqarpugut siusinaarlutik suliunnaarnersiutilinnut atukkat assigiinngitsustigut pitsanngorsartariaqartartut.

Sulisinnaangikkaanni inuttut ineriartorfiusumik aamma sammisassaqaarnikkut Kommune, peqatigiiffiit, kattuffiillu suleqataanissaat pingaaruteqarpoq. Siusinaarlutik suliunnaarnersiutillit aningaasatiguinnaangitsoq, inuttulli naleqartutut inooqataanissaat siuarsartuartariaqarparput.

28.000-miit 38.000-mut aaqqiiffiginiarneqarneri pitsaasutut isigaarput.

Taamatut Inuit Ataqatigiinniit oqaaseqarluta Ilaqutariinnermut Peqqissutsimullu ataatsimiititaliamut Ingerlateqqipparput.